

Ji-MINO-AYAANG GAA-DANANOKIING GAYE JI-ASHWIING GIISHPIN GEGOON IZHISEG INAAKONIGEWIN

– GE-WIJI'IGOYIN JINISIDOTAMAN –

“ Gi-gikendaan na wegonen enendaagoziyin? ”



WEGONEN IWE MINO-AYAAN GAA-DANANOKIING GAYE JI-ASHWIING INAAKONIGEWIN (WSIA)?

Iwe WSIA Ontario inaaakonigewin gaa-ikidoomagak **AANIIN GE-IZHI-MIININDWAA GE-IZHI-WIJI'INDWAA** gaa-anokiiwaad giishpin bichishinowaad gemaa aakoziwaad odanokiiwiniwaang onji.

AWENENAG GE-WIJI'INDAA IMAA WSIA ONJI?

GAAWIIN GAKINA Ontario anokiimaaganag daa-onji-wiji'aasiwaag imaa WSIA.

AWENEN GAA-BIMIWIDOOD IWE WSIA?

- » Iwe MINO-AYAAN GAA-DANANOKIING GAYE ASHWIING GAA-ABIITAMOWAAD (WSIB) obimiwidoonaawaa iwe WSIA.
- » Iwe WSIB ODOOZHITOONAAWAA INAAKONIGEWINAN GAYE GE-IZHICHIGENG ji-debinigaadeg wegonen ge-ondiziwaad gaye ge-izhi-wiji'indwaa anokiimaaganag gaa-gii-bichishinowaad.
- » Gaa-bichishinowaad anokiimaaganag oada-debinaanaawaa onowe:
 - * JI-DIBA'AMAWINDWAAA WANITOOWAAD ONDIZIWIN
 - * JI-DIBA'AMAWINDWAA GIISHPIN GAA-GICHI-IZHISHINOWAAD
 - * JI-DIBA'AMAWINDWAA JI-WIJI'INDWAA JI-MINO-AYAANA
 - * JI-DIBA'AMAWINDWAA JI-GIWE-ANOKIIWAAD MIINAWAA
- » Iwe WSIB Ontario gaa-anokii'iwewaad odasaawaan imaa zhooniyaan ge-aabadizininid, gaawiin **TAX ONJISII AWE ZHOONIYAA**.
- » Gaa-izhi-niizhwewaanaagiziwaad gaa-anokiiwaad gaye gaa-anokii'iwewaad inendaagoziwag **JI-NAKWETAMOWAAD WSIB GAA-INAAKONIGENID**.



AANIIN GE-IZHICHIGENG GIISHPIN BICHISHING AWIYA MEGWAA ANOKIID

ANOKIIMAAGAN

- » Gi-daa-dibaajim **ZHEMAAK APII IZHISEG** ji-wiindamawad gaa-anokii'ig
- » **GAAWIIN GI-DAA-WEBAKONIGOOSII** wiindamaagelyin gaa-gii-izhiseyin
- » Zhemaak **WIINDAMAW MASHKIKIWININI**
- » Mooshkinebii'an **WSIB MOOSHKINEBII'IGAN 6** JI-DIBAAJIMOD GI-ANOKII'IG GAA-GII-IZHISEYIN/GEMAA AAKOZIWIN

GAA-ANOKII'IWED

- » **DAA-NANAANDO-GIKENJIGE** gaye **ODAA-OZHIBII'AAN** gaa-gii-izhiseg gemaa iwe aakoziwin
- » O-daa-mooshkinebii'aan **WSIB MOOSHKINEBII'IGAN 7** GAA-ANOKII'IWED ODIBAAJIMOWIN IWE GAA-IZHISEG/AKOZIWIN

MASHKIKIWININI GEMAA MINO-AYAAN GAA-ANOKIITANG

- » Daa-wiindamaage **ENENDANG GE-IZHICHIGENG** ji-giwe-anokiinaaniwang ge-izhi-maneseg gaye ge-ako-izhichigeng
- » Da-miigiwe imaa WSIB iwe **WIINDAMAAGEWIN** gaa-izhiseyin gii-bichishinan gaa-dananokiiyin
- » Odaa-mooshkinebii'aan **WSIB MOOSHKINEBII'IGAN 8** GAA-DI BAAJIMOD MASHKIKIWININI GAA-GII-IZHISEG



AANAPII GE-IZHINIZHA'AMAN MOOSHKINEBII'IGAN

ANOKIIMAAGANAG

Gi-daa-izhinizha'aan mooshkinebii'igan **ZHEMAAK** gaawiin dash wiin **NAWACH AWASHIME 6 GIIZIS** gaa-ishkwaa-wiisagishinan.

GAA-ANOKII'IWEWAAD

Gaa-anokii'iwewaad oada-izhinizha'aanaawaa mooshkinebii'igan **3 NISO-GIIZHIG IZHISEG** gaa-ishkwaa-wiisagishing anokiimaagan:

01. Gaawiin gi-danokiisii
02. Mashkikiwinini gi-waabamig
03. Nawach bangii gidiba'amaagoo apiich gii-anokiiyin ako

GI-GIKENDAAN NA JI-ONDIZIYAMBAN GIWE-ONDIZIWIN GIISHPIN

- » Gaa-igooyin gidanokiiwining **E-ONJI-AAKOZIYIN**
- » Gaa-igooyin gidanokiiwining **E-ONJI-OJAANIMENDAMAN**
- » Gaa-igooyin gidanokiiwining **E-ONJI-MAANENDAMAN**
- » Gidoonji-**WIISAGENDAM** bakaan inake gidanokiiwining onji



AANDI GE-ONJI-WIJI'IGOOYAMBAN WSIB MOOSHKINEBII'IGAN JI-DOODAMAN?

ODOOZHIBII'IGEWIGAMIG AWE ANOKIIMAAGANA' GAA-WIJI'AAD: www.owa.gov.on.ca gemaa 1-800-435-8980

ANOKIIWINING GAA-ONJI-BICHISHINOWAAD ONTARIO GAA-OKWIINOWAAD (AVWO): www.iavgo.org gemaa 416-924-6477

GAA-WIISAGISHINOWAAD ANOKIIMAAGANAG DIBAAKONIGEWIGAMIG (IWG): www.injuredworkersonline.org gemaa 416-461-2411

LEGAL AID ONTARIO, GAA-WIJI'INDWAA DIBAAKONIGEWING ONTARIO: www.legalaid.on.ca gemaa 1-800-668-8258